

居
易
堂
詩
集

松陵王芍坡先生未弱冠即以詩文
名於鄉、會試皆高第制藝膾炙人
口取其文讀之仙才也嘗恨不得見
先生而請讀其詩松陵余故鄉自余
占籍江夏鄉人之楚遊者每舉先生
孝友忠信文采風流稱道不置是余
之慕先生而願見者不獨在其詩也

既而訂交於冢嗣席常君慤哉涵受
尤想見先生之盛德歲已酉余奉
命視學秦中先生觀察蘭州按部所
至喜得見之殷勤懇款如舊相識以
其願見者久也目出其詩一冊示余
曰吟鞭勝藁者凡于役所經以及弔
古懷人之作皆在焉甘肅自玉門以

西園自

聖朝為古文人士著錄所不到其
山川風俗人物之瑰奇固不宜無訪
特假先生之行以達之信乎其必傳
也然吾謂山川風俗人物非詩人無
以傳而訪人者又必本其孝友忠信
之誠文采風流之素以發為言而詩

傳而山川風俗人物與之俱傳先生
之詩之可信必傳者其尤在先生之
為人與其至性至情乎吾鄉瀛臨具
區垂虹跨空清洲之氣代產忠良余
不得而見之見先生之爲人已過深
人桑梓之敬矣用執筆挂名以自耀
焉鄉後學周兆基序

天之下地之上皆詩境也然教
教所阻則謳歌遂闕焉若夫教
教遠矣殊方絕域睹記皆新而
乘輶持節者於其山林水土民
風物產之類未能吟詠其萬一
雖步窮豎亥跡越張騫於太平
曾何點綴此登高作賦者乃可

以為大夫也新疆為金天之奧區
自淳訖明羈縻而已

開國以來悉成編戶此誠千古所
希逢我

皇上文教覃洽崑崙月窟左右畫
歸風雅則新疆不可無詩而作新
疆詩尤不易矣蘇武穹廬僅得

李陵三首宋纖石蟹紙留馬爰
一章道之云遠至者其誰今欲
使騷人墨客畏糧三千里窮方
域以外豈不難求此吾於 苟坡先
生吟鞭贖葉竊嘆其言人所未言
信乎其必傳也 先生以江左宿儒
通籍家久一官而成一集殆有家

風此稿則自入甘以來歷乾隆癸
卯甲辰乙巳丙午行役之作耳據
鞍弔古攬景懷人閱歷之素境
畫詞章之能事亦畫東則由秦
隴三輔中州以達

帝畿西則由玉門安西以至喀什噶
爾葉爾羌其內地之詩經前人所

題詠者 先生獨開生面至新疆
回部前之人未有詩而今忽有之
以採民風以宣

聖化是詩非徒作視夫雪還柳
往之什殆不同也余老矣讀先
生詩如游天外又何必頓義和轡
振夸父策更尋吟鞭之所賸耶

是為序

乾隆庚戌冬仲泚陽吳鎮拜手

光君子自總角應童子試即以詩見賞於學使者蒲
阪崔公嗣由拔萃登鄉薦益肆力於詞章每一篇出
士友間爭相傳誦輒持其稿去故通籍以前著述雖
夥大抵無存年二十八成進士入農曹在京師十餘
年簿書期會公私敦迫又處境平順所作亦少迨乾
隆丁酉由御史擢為監司出官隴右前後凡十有八
年中更事變兩賦從軍再從嘉勇公于侵秦隴以至
玉關内外足迹所經見聞所觸發為勞人之唱因著

吟鞭賸稿二卷丑辰紀事詩一卷間有懷人詠史之

作亦雜附焉

祖武

竊從趨庭之暇筆錄成編未及付

梓而先君子已捐館矣

祖武

自惟頑鈍不能讀父之

書不知早自蒐羅裒成全集而使先君子生平著撰

僅存是編殊可痛也然猶幸是編具在先君子學問

性情之故與夫服官勤事之大端亦有可概見一二

焉者爰敬謹詮次并錄諸公序言刻之以志手澤之

感云乾隆六十年十一月

男祖武謹識

居易堂詩集

吟鞭賸稿卷上

吳江王曾翼芍坡

重過五泉同馮魯巖方伯福靜坪廉訪陳勤齋觀

察憇覺林精舍

時撒拉爾逆回甫平廟宇多所殘毀

傑閣層軒面面開當年冠蓋此頻來無端遽有蟲沙劫
不信都成瓦礫堆泉咽寒聲尋碧甃碑橫斷石撥蒼苔
臨風感舊渾如夢秋月春花醉幾回

十笏猶存煨燼餘下方小憇得精廬娟娟碧篠依疎檻
汨汨清流瀉曲除半榻雲房閒粥鼓一龕佛火伴鐘魚
何年了却鞭絲債靜叩禪關證六如

時將有興漢之行

河州太子寺謁扶蘇像

璽書讀罷只吞聲空擁防邊卅萬兵
首獄自應歸上蔡趙高始謀成之者李斯也
沉寃還欲過申生晉獻有殺嫡之心始由皇則本欲傳位太子
來宦寺能階亂可惜將軍竟結纓旁有蒙將軍像
肅拜荒祠儼遺像淒涼終古傍長城

狄道謁楊忠愍公祠

封章拜杖血痕新萬里洮陽放逐臣
誤國何人開馬市孤忠偏我觸龍鱗
一官聊爾安棲棘百折何嘗忘致身
報德懷賢祠宇在超然臺碣並嶙峋
邑人祀先生祠曰報德又東門外超然臺先生講學之地亦有祠

曉行過河入峽

雞鳴人乍起草草理征轄出門聞水聲斷岸無津筏馬嘶人語沸燈火互明滅百夫承肩輿亂流儼飛越昨度廣樓河洶湧百丈濶回頭有餘悸到此增慄慄絕澗幸已過連山復相接微茫一綫走合沓千峯挿履險多凌兢縋幽愈縈折披裘增曉寒秋風吹颯颯想見山中人不知有六月昔讀少陵詩秦州詠寒峽此間毋乃是疑有太古雪從來行路難浩歎同一轍

山行口占

亂山本無路路向亂山開偏窄微通罅欽崎險欲頽嵐

青纔過雨澗響似轟雷自笑投簪客凌兢復此來

過洋縣

幼讀東坡詩夢入簞簞谷竭來古洋州不見一竿綠漢
南風景好此地更清淑連畦秀稊稻疊嶺森嘉木略約
度迴溪飛流憂鳴玉孤村四五家松下結茅屋愛此劇
瀟灑欣然思卜築不愁食無魚但惜居無竹緬昔清貧
守燒笋佐肴簌千畝在胸中千尋掃尺幅高風詎可攀
到今仰芳躅邇日宦途人怕瘦不嫌俗欲尋噴飯處佳
話竟誰續

自真符抵渭門雨中山行二首

山程將百里高下歷千盤密雨侵危磴奔流俯急湍垂
堂驚絕壁窘步怯踈欄哀我輿人瘁泥中路更難
險處增佳景探尋興轉濃穿蘿紆綠徑隔澗挿青峯籟
奏泉間石濤喧雨後松渭門何處是遙指白雲封

漢陰舊縣

合沓重山裏孤城倚薜蘿封疆秦地濶井邑楚人多

興安

一郡大半
湖廣人

短牘眠青隴閒鷗泛碧波息機吾已早庶免

丈人訶

用莊子漢
陰丈人事

阻雨興安

離畢滂沱苦不休客程迢遞此淹留楚雲低濕連秦棧

梅雨沈淫入桂秋廣塢何時堪躍馬

制府駐旌三日未得閱兵

深林

昨夜又啼鳩關心最恐禾生耳刈稻千村半未收

喜晴

籃輿冒雨度饒峯雨歇俄看日在東
帶濕黃雲拖玉穗烘晴翠岫映霜楓
浪喧古峽千堆雪香裊幽花一片紅
風土漢南殊不惡秋光半送馬蹄中

雞頭關

褒城入棧十五里

山城高接棧雲秋昨夜西風落葉稠
絕磴幾千縈鳥跡雄關第一數雞頭
中原龍戰爭秦塞蜀道驪綱走劍州

自此南至劍閣爲蜀棧北至寶雞爲秦棧

一冒垂堂心膽怯懸崖百尺瞰飛

流

馬道道旁有碑云漢相國蕭何追韓信處

獨識無雙士真堪大將才天扶赤帝起人挽白駒迴古道看遺碣荒基說舊臺

漢中有拜將臺

誰知鐘室禍早向此時

胎

過紫柏山有廟云留侯辟穀處

夫子真人傑蕭韓詎足儔偶來扶漢鼎終竟報秦讎借箸無遺策藏弓有覆輶寓言聊辟穀誰見赤松遊

過鳳縣三絕句

古傳鳳州三絕手柳酒

鳳州三絕猶存柳萬樹金絲鬪楚腰吹徧西風未憔悴

穆穆送客過溪橋

柳

荒城待客無佳醕
小試偏提醉濁醪
記得京州重九宴
菊花深處酌葡萄

酒

風懷久已同泥絮
霜鬢年來漸次添
象管銀箏渾不問
尊前誰見玉纖纖

手

遊鳳翔東湖謁坡公祠

坡仙身自有仙骨
偶辭絳闕遊塵凡
對策彤廷儲作相
剖符來試岐州監
扶風古郡富古蹟
飲鳳池頭開鏡函
蘭橈頻此泛鷗波
輕風拂拂吹春衫
八觀詩出人爭誦
山川景物供鐫鑱
名流所到洵不俗
耆好迥自殊酸醎

七百年來湮勝跡尙留篇什貞珉刻滄桑歷劫此湖存
玻璃百頃澄波涵後來太守亦好事芙蕖徧植芰葑芟
四面軒窻看倒影漁磯恰向波心嵌曲岸疎花倚叢篠
長堤綠柳間青杉東西早舫儼相對臨流似欲張蒲帆
我來正值暮秋天葭蒼露白霜颼嚴宛在亭邊一凭眺
南山晴翠浮碧巘肅拜祠堂識遺像角巾鶴氅手瑤緘
惟公大節炳千古忠愛不避宵小讒宦遊到處輒選勝
蒼苔碧蘚留水銜東湖雖不比西湖藉公名字輝林巖
撫景懷賢三歎息吟魂何處招巫咸

扶風謁伏波祠

銅柱勲名照簡編故鄉祠廟尙巋然明良德契功臣最

儒素家風哲后傳

明德皇后每誠諸弟輒稱先君儉德儒風

掌內山川看聚

米壺頭瘴癘怯風鳶雲臺圖畫何須問但乞君王賜墓

田

椒房之戚不畫雲臺已非公論至因薏苡之譏不敢歸葬未免爲光武盛德之累矣

馬嵬楊貴妃墓

錦襪香囊化劫灰千秋埋玉此荒堆板橋西路瀟瀟雨
過客停驂問馬嵬

廿年姦相蔽聰明怙寵蕃兒弄甲兵畢竟金甌誰共壞
却教終古怨傾城

丙舍新添綠粉牆幾株衰柳倚斜陽依稀月夜歸環佩

錯認梨花古佛堂

回原

三邊雄鎮古原州白草黃榆接塞秋
靈武西來巒翠拱瓦亭北去戰場留
牛羊放野無人牧禾黍連山帶雪收
邊地收穫遲而雪較早欲問蕭關何處是空同明月浸城頭

青嵐山

青嵐山勢鬱嵒堯磴道千層近碧霄
日午晴曛猶慄慄可堪風雨度寒宵

六盤山

天設當關險高高上六盤羊腸愁詰曲
馬足怯巔崿疊

嶺終年雪征衣五月寒時平耕廢壘綠野徧層巒

望崆峒

平涼城北近年山上有元鶴二汪太守臯鶴曾作記

千秋靈蹟近瑤池

涇州城外云是王母瑤池

北望崆峒接翠微曾是

軒皇訪道處至今元鶴見雙飛

過邠州

肅拜公劉廟邠郊落日斜涇流真一綫陶穴向千家剝

棗民風古條桑地利誇

邠土至今猶富桑棗

何當春日過繞郭是

桃花

望乾陵口占

乾州城北雙峰似指點乾陵百尺高不信金輪有靈爽

能將風雨怖溫韜

盜發唐諸陵獨至
乾陵風雨不得進

曉過新豐

驪山迴望鬱蔥龍
古道陰盤復向東
此日枌榆非故社
當年雞犬識新豐
寒容慘淡凝微雪

先一日雪

市語喧譁逐

曉風曾憶五年前
過此梨花幾樹雨濛濛

汾陽故里

華州故里祀汾陽
綽楔巍峩大道旁
甲第鳴鐘今寂寂
寒鴉古木自蒼蒼
艱辛百戰中興將
寵眷三朝異姓王
拂拭遺碑頌勲德
關中人物冠全唐

謁西嶽廟

雍鎮維西嶽龍庭亘古今蓮峯覘秀削玉井漾清潯拔
地尊俸岱參天德配金顥靈蟠一氣仙掌擢千尋白帝
資成物蒼生待降霖視公昭秩祀薦璧肅將忱廟貌承
前代崇基託華陰規模舊宏敞安侑卜居歆兵燹滄桑
改星霜歲月駸頽垣竄鼪鼯畫棟落丹黠北極紆

西顧

神庥感

聖心錢刀頒內府結構煥珠林經始年惟酉成功歲在

壬

廟以乾隆丁酉鳩工壬寅落成前華陰令陸維垣任其役

巍然增壯觀仰止豁塵

襟五鳳樓重起三霄勢欲侵累恩穿月彩鈴鐸語風音

正殿凌空建高居儼式臨冕旒瞻肅穆堂奧挹閎深帝
闕眞疑貝天宮合是琳九筵開翼翼四宇靜愔愔座右
金人劍帷間玉女琴曹司環拱衛侍從列纓簪閼寢層
雲護迴廊晝漏沉

奎章光倬漢傑閣迴捫參碧沿游銀鬣雕軒入翠岑迴
翔徒盼眙憑眺益欽崟

寢宮之後爲萬壽閣閣前有古放生池

御書樓

古

碣苔親拭蟲書讀若瘡商槐撐鐵石周柏鬱樛樛掛甲

枯株在英謨異代欽青牛傳此繫老幹植猶森

廟內商槐周柏

尚有數株極葱鬱又有掛甲樹相傳秦王卸甲掛此今存枯槁矣又有古餘聳立數丈云是老子繫青牛處也
落照驚斜日寒飈急暮砧瑤壇鳴法鼓鴛鴦宿歸禽出

廟情彌戀看山興不禁何年登落雁搔首發豪吟

硤石驛

鬱鬱千家鎮蒼蒼四面山人傳唐宰相

姚崇硤石人

地是古

函關驛騎喧亭館柴車塞市闔獨深憑弔感翹首二嶠

間

東去數十里卽古嶠陵

過新安感楚阮秦卒事因賦長歌

上將軍救鉅鹿虜王離殺蘇角此日秦兵連敗劒脅降
原自非心服隨行有似狼驅羊西至新安近函谷吏卒
折辱情不甘三三兩兩聞竊談將軍下令悉阮之重圍
密塹排城南二十萬人一夜死齊聲慟哭恨章邯千秋

冤氣埋泉壤天陰月黑蒸昏嵐我聞長平阡卒四十萬
以此較彼乃得半楚人代雪趙人讐爲語秦人復誰怨
阡人還卽受人阡天道循環炯可見吁嗟乎七雄爭帝
互吞噬惟恃詐力欺孱愚畧地攻城恣屠戮可憐銳士
盡農夫當年起翦號名將殺人最多旋亦誅彼哉稔惡
奚足惜氓之蚩蚩獨何辜重瞳結髮七十戰身所斬夷
已無算睢水僵尸壅不流咸陽烈焰飛宮殿到頭垓下
歎天亡拔山力盡空悽惋我行新安城因感阡卒事後
來好殺者都作新安例盱衡慷慨發長歌何幸生逢熙
皞世

侵曉過湯陰弔鄂王故里二首

昔過棲霞嶺虔瞻馬鬣封冤同埋碧血恨未飲黃龍故
里經祠廟銘勲尙鼎鐘招魂吟楚些殘月掛寒松

萬里長城壞求和議始堅江南朝自小河北地長捐留
守悲先逝蘄王特幸全傷心迴旆處南望是朱仙

嵇侍中濺血處

湯陰古湯陰道旁有碑書此六字

當年血濺侍臣衣獨障凶鋒授命時今日八王同腐草
千秋生氣凜殘碑

清談悞國扇風塵天步艱難識蓋臣更向西朝數忠烈

東堂灑血庾同辛

愍帝青衣行酒庾
民辛賓慟哭死之

行之

過平涼二首

高平舊壘接蕭關用武從來說此間竊帝強藩徒血戰

唐武破隗囂于高平第一卽此地也逃盟上將竟生還唐德宗時吐蕃劫盟于平涼咸寧王

幸而滄桑歷劫仍雄郡鎖鑰重闔枕亂山指點文襄平

賊處青燐白骨土花斑圖文襄公平王輔臣之亂紀功碑在祠堂

煙火居然十萬家晨雞競唱雜寒鴉聲喧米市人如蟻

春到邊城草未芽幾處鼓祠撐古柏何朝折戟辨沉沙

流澌積雪膠輪過兩度來驅薄笨車

靜寧曉發薄暮抵會寧途中口號

城柝依稀不辨更宵征無月但占星霜橋茅店高家堡
乍歇輪蹄短夢醒

危坡下盡陟重岡俯瞰平原極莽蒼盡日何曾見雞犬
亂山深處一羣羊

懸崖如峽溝如灘七十二道脚不乾

諺語

殘雪凝沙車路

澌流漸塞澗馬蹄寒

半年行路倦驂駟盼到郵亭卽是家纔喜峰迴見城郭
譙樓落日噪歸鴉

重過平番有感

華表如聞語令威葛衣祠畔駐征驂當年風鶴驚猶昨

此日人琴嘆已非
賸向黃壚成獨醉
幾多白首識同歸
中宵羌笛悲聲起
悵觸山陽淚欲揮

重過涼州滿觀察朱松溪招飲署中散步園亭志

感四章

昔日園林主今日園林客
客主故無常風月自晨夕
摩挲古槐樹鐵榦撐寒色
繫爾閱人代榮枯凡幾易
南柯恍可尋昨夢已陳迹
徙倚小亭中撫景異喧寂
當年北海尊盤敦盛裙屐
雕梁儼尙新何處問綺席
舞衫歌扇緣欲話三生石
世事大抵然無爲空太息

戊歲我來思清和四月初
邊城花事晚乍見牡丹舒
玫

現與芍藥次第開前除春風三度過小別二年餘白雲
變蒼狗流光迅不居茲來重步履芳逕未全蕪灼灼探
春花盈盈似雙妹向人猶舊識著意鬪芬莩對此不忍
去徘徊立須臾何當旬月留高枕卽吾廬丁香拆紫苞
桃杏紛絳跗鋪茵坐翠幄顧曲還傾壺此樂定勝前東
縛拖纓裾星程促言邁信宿願徒虛斜陽掛西嶺惆悵
復登車

昨我過甘州襖襖濯清泉

上巳日在甘州

今我至涼州停驂訪

舊園迴思昔別時烽火起臯蘭匆匆服韎韐匹馬辭和
連草檄允吾城摩盾華林巔潢池方息警大海蹴風瀾

崑岡玉石焚伊誰能瓦全浩蕩擬東歸不復整西轅蘇
臺明月夜飛夢到天山何意重來此招邀接盛筵莫言
一樽酒具亦有前緣明朝別此去把盞更何年

散步廣場中昔年開射圃敦弓設四侯賓從集文武一
時角藝人歷歷猶堪數常公老益壯揚禪看頻舉狂笑
語總戎善射寧輸汝翩翩兩太守別駕暨明府命中咸
所長折衝見樽俎張王將家子相敵樹旗鼓強弩誇鬚
楊腰間挿大羽朱生出蓮幕百步輒矜詡余獨袖手觀
欲勇無從買

曩時宴集之餘角射於此常都統德總戎
吳汪兩太守張楊兩遊戎王都閫慶別駕

武威李令古浪舒令平番陳令皆會
射之人也松溪時在幕中亦與焉

吁嗟彈指間一別

遽如雨。鉅川和玉塞。望遠徒延佇。遼海更黃泉。存亡懷
故侶。尊前今日在。惟我舊賓主。惜未招張仲。于時同語
語。常歸寧夏德往新疆汪舒成黑龍江吳楊王李陳渾
均已物故惟張仍故官松溪仍在京州觀察署耳渾
如鹿夢醒。迴首重悽楚。沉醉更莫辭。浮生原逆旅。

吟鞭賸稿卷上終

吟鞭賸稿卷下

東行雜咏

吳江王曾翼芍坡

乙巳二月隨制府福侯東行周歷曾被賊氛州縣
查勘撫輯追憶去年四月聞警之初感而有作
牙旗晝靜正凝香警報俄傳草檄忙磨盾漫誇功立就
焚原誰料燄方張三年贊畫空蓮幕兩月驚魂歷戰場
今日堂前倍惆悵銜恩舊燕認雕梁

過馬家堡

翻山一夜失逋囚從此鴟張毒更流直以遷延成負固
空餘睥睨墮奸謀

田五既殲餘孽僅數十人提軍避雨
遷延坐使遁入官川復成烏合迨官

軍蹙賊於馬家堡又墮其乘
雨宵奔之計而賊勢復張矣

洗巢已慶妖氛靖增壘仍

嚴武備修立馬周觀山險惡可思未雨貴綢繆

制府勸議於此

設營駐兵

重過馬營監

十家九燼馬營監策馬重過淚濕衫此自恬熙人似蟻
當時蹂躪草同芟烽煙靖後埋新骨瓦礫堆中出斷鑱
所冀瘡痍能漸復

九重渥澤本汪涵

通渭弔溫尉模

賊陷通渭縣令王儂潛匿典史溫模死之

一死真堪重泰山誰知大節在微官責均守土生寧惜

身殉危城義所安三尺素絲同白刃千秋碧血灑青巒

更看罵賊捐軀者

在籍故威遠令李公南暉

豔說雙忠並二難

宿李威遠宅

名南暉四川威遠令致仕家居值逆回之變率其子姪登城協守城陷罵

賊被害

衝冠怒髮攝霜莖憤見潢池有弄兵慷慨荷戈期殺賊

從容蹈刃豈求名拚將忠孝成家禍

公子思沅同日被難

肯

借林泉學苟生

公從威遠致仕歸年七十餘矣

有客登堂景遺烈松風

謾謾振軒楹

過鹿鹿山黑風堆西安寧夏涼莊滿營駐軍處

軍門指點黑風堆鹿鹿山頭有竈灰萬帳貔貅空坐甲

五更鼓角孰登臺人傳木耳何言也威震金城安在哉

西安將軍奏言石峯堡爲昔時木耳王敦所據齊東之語堪供一噓初將軍奉命來蘭卽致書制府有

此來威震辛苦邊氓輓芻粟中宵絡繹羽書催諸軍不

日徵芻粟聖明洞悉果

嚴旨

望高廟山感明副都統

危崖千丈挿嶙峋雨夜啾啾鬼哭新壯士陳安曾陷陣
孤軍楊業竟亡身尸歸裹革魂猶烈血漬荒原草不春
莫以貪功訾失律空山坐守更何人

過秦安縣

蓮花城外趁朝昕土鼓山頭看夕曛麥隴連川鋪碧毯

桃蹊繞郭燦紅雲一般楊柳春旗色是處兒童竹馬羣
欲問荒祠奠椒酒英風長憶李將軍秦安清水卽漢成紀地李將軍廣故也里

過底店馬逆故里

瀦宮薦棘恨難平忍助狂鋒長亂萌觀望始猶憑狡窟
披猖終敢犯堅城一方遂有焚林慘三叛猶嫌伏鑽輕
馬文熹張文慶馬四娃檻送京師底店千餘家俱以從逆誅靡有子遺矣煙火數家新戶口
哀鴻安集免呼庚

過隆德城逆黨千餘駢戮處

青燐點點逐塵飛尙憶凶徒血刃時五夜霜威增凜烈

四山月色照淒其噬臍搖尾嗟何及曳肘牽頭固所宜
終是

聖朝恩浩蕩不教京觀築鯨鯢

西行雜咏

出嘉峪關

乙巳四月

酒泉西去陟崔嵬嶺上雄關四扇開萬里風雲通雁塞
九邊鎖鑰扼龍堆沙飛漠漠分中外磧度重重怯往回
正擬旋鑣俄發軔瓜州迤北近輪臺本隨制府赴惠回堡勘灾嗣有
旨順往巴理坤查勘屯田事宜計過哈密尚有四程距烏魯木齊止數日程耳
關門候吏劇殷勤記在西涼識使君建節前塵徒爾爾

棄繻壯志漫云云征鴻豈認沾泥絮遊騎聊隨出塞雲
莫向長途說辛苦去年此日正從軍

由赤金湖至赤金峽抵玉門縣宿

披沙麗水詎堪尋湖峽猶然號赤金盡日輪蹄走戈壁
幾家煙火傍嶽峯荒原夏月無青草獨樹殘陽有怪禽
忽聽譙樓吹簫栗旅懷悵觸倍難禁

過安西州贈吳刺史貽桂

雄州關外作屏藩萬雉金湯實壯觀漢代敦煌原古郡
唐家都護異今官邊疆地濶村墟遠瘠土人貧撫字難
東道賢侯惟勸酒不會對客訴清寒

過哈密

新疆南北此交衝風土清嘉內地同碧漲瓜田渠汨汨
翠翻麥浪野芄芄花門夾道瞻熊軾柳色沿堤引玉驄
小憇征驂傾艾酒客中佳節度天中

是日
端午

南山口至松樹塘

出關千里平如掌行到南山窰馬蹄路入打班愁陟險

口外稱山路險
行者爲打班

溝名煥彩孰留題

山最佳處摩崖
鐫煥彩溝三字

松生

萬樹排青嶂雪化千巖瀉碧溪劇憶往年雲棧路重攜

圖畫到天西

巴里坤

伊吾五月如當暑纔度南山凜若秋雪嶺經年常凍玉
炎天一雨卽披裘薪蔬珍貴來偏遠城郭恢宏戶未稠
昔日戰場今郡縣循良應拜富民侯

玉節西來奉

詔書籌邊原欲裕儲胥屯田競襲營平奏水利誰增鄭
國渠須計源泉敷灌溉難將旱壤闢苗畝重臣謀國規
經久偉議惟憑卓見據

都統奏請加屯制府承
往勘以地多水少奏寢其議

制

入關

書劍飄然出塞還又驅欵段入重關洗塵愛汲酒泉水
迴首貪看蔥嶺山畫角聲中魂夢斷鞭絲影裏鬢毛斑

七年隴右河西道身倦車輪馬足間

嚴關重鎮擁貔貅風暖牙旗靜戟矛古戍久看耕廢壘

盛朝原不事防秋鋒車競進填城闕竹馬紛來擁畫輶

正是哀鴻安宅後前旌一路聽歡謳

有

震民戶

旨加賞被制府親臨

散給入關之日
歡聲載道云

西行續詠

再出關仍用前韻

乙巳九月

小憇歸驂復此來嚴關曉度角聲哀秋高大漠風如吼

寒峭千峰雪作堆萬里征途邊塞始頻年于役簡書催

茲行更比前行遠天盡西南馬足迴

喀什噶爾係南路迤西極邊

邊城寧謐驛書聞撫輯還紆

睿慮厪爰有星輅馳塞幕教隨龍節度關雲

彼處偶有訛言旋極

寧貼

詔進行

上命制府馳勘撫諭承奏以蘇觀察偕翼隨往

重闐日照雙旌轉

百騎風趨五色分省識

堯階干羽意莫猜王粲賦從軍

布隆吉道中口占

獵獵邊風起幃帷面面沙草枯無牧馬樹禿不巢鴉日澹雲容慘天低雪意賒平生弧矢志遠道若爲嗟

星星峽

磧斷連岡起峯迴窄徑通凍雲奔馬首怪石立沙中扼

要天工險當關地勢雄時平閒戍壘日落鳥呼風

苦水至格子煙墩竟日行戈壁中二首

一百四十里平沙浩浩乎人饑村店遠馬渴野泉枯暑
短繩難繫心忙路轉紆遙看燈火處茅舍隱寒蕪

南路多戈壁還聞比此長宿春惟裏備薄笨卽行床

南路

戈壁有行三四日者雪後搏沙煮風來伏地藏
日齧乾糧夜宿車中
車過輒爲旋去幸駝馬先知之伏平生曾耳熟不信欲

親嘗

橙槽溝至肋巴泉

合沓羣峰挿盤迴一磴紆雷聲走岷嶧野色望凋枯陟

坂防車覆揮鞭惜馬瘖長征邊塞外重險怯前途

討賴泉至梧桐窩

昨行一百四十里似毯一片鋪平沙今行一百四十里
石路巉巉膠我車石中糝土土如石萬古荒荒草不芽
炊煙斷絕雞犬靜并無甌脫況人家傾筒出水先飲馬

行戈壁者貯筒水於車

餘瀝分甘聊代茶僕夫笑此不解渴懷中

自揣瓜州瓜朝發討賴泉夕宿梧桐窩梧桐何年作薪
爨惟有枯楊一樹啼寒鴉停鞭四顧三歎息我行胡爲
來絕域人生歲月能幾何那得年年半行役卯秋驅馬
秦棧遙旋著征衣薊門北歸來二月赴河西四月從軍

不暖席弓刀影裏夜移營矢石叢中晨草檄自笑勲名
在何許人看鬢髮驚頒白今年兩度出關行小憇歸鞍
重整策萬里征程纔及半車煩馬殆人疲紆故山杞菊
儘堪采何日間身趁叩展且莫尊前歎路難馳驅王事
原臣職晨炊蓐食載膏車好備連朝走戈壁梧桐窩一
百廿里至
鹽池又一
百八十里至
七格騰木
皆戈壁也

土魯番

古郡傳唐代尋碑訪舊城

土魯番古火州地迤西五十里之哈拉火卓唐州治也

花門瓜作飯屯地馬能耕

邊防無事兵盡屯田戰馬胥嫻耕作矣

苜蓿經

霜翠葡萄入市盈初冬偏覺暖應有火州名

客中初度三首卽用三字韻

是日在土魯番

八千驛路行將半五十年華過又三
荏苒關河駒隙駛
衰遲筋力客途諳
遙思酌兕天涯隔靜對懸弧壯志慙
塞外吟詩聊自壽揮鞭乘月跨驂驪

廿年竊祿媿華簪
自分踈狂七不堪
鵷路罡風飛退六
虹橋花雨徑荒三
勞生多事重紆綬望遠何人怨采藍
磨蝎身官吾早悉星家底用費研參

尚撫軍招飲席間與蘇觀察言命

霜鬢潛隨馬齒添鵬程久已倦
圖南空花富貴原知幻

往事風波怕再談
若個春秋能滿百何年猿鶴共成三

身并猿鶴成三
口唐人句也

一樽且醉葡萄釀
手擘鮮瓜沁齒甘

土魯

居易堂詩集

番郡王餉瓜甘
脆絕勝哈密

哈拉沙爾

古塞走榆溝平原百里表

自庫米爾台至榆樹泉叢榆夾道映帶清渠塞外佳景也

過此一片平原黃沙白草

行九十里抵哈拉沙爾城
戊烽憑嶺起河水傍城流

爲開都河冬月未冰方舟可渡

餉客珍羊酪鳴機織罽裘行囊看普爾

吾亦一錢留

自此始行普爾錢猶與制錢並用過此則專行普爾每一當制錢七也

遠夷欸塞投

仁主盛事今猶說受降萬戶分來此安插十年生聚遍

耕耰

乾隆三十六年土爾扈特數萬戶欸塞來降詣下將軍舒文襄公分地安插以數千戶分置哈

拉沙爾年來畜產蕃滋家給人足頗知安分守法邊鄙晏然

草蕃牧地堪量馬風靜

蘊廬少吠厖總在恩威調劑好長馴野性樂敦龐

庫車

昔日車師地羈縻有幾朝于今城郭國盡入版圖遙

今西

域回部即漢書所稱有城郭之三十六國

土沃能加墾年豐更薄徭殷蕃生

計足淳樸古風饒

庫車回人於諸部中最爲馴良

雪後渠添漲霜餘木

未凋周原平似砥複嶺曲通樵到此忘殊域紛看迓使

輶褰帷宣

聖德問俗採歡謠却馬仍頒幣投桃必報瑤花門羅拜
處重見漢班超

阿克蘇

鎖鑰兩城連佳哉望鬱然巖疆控烏什間道走和闐地
扼襟喉要人誇貿易便商多三晉客貨溢百間廛回部
尤蕃庶

皇仁與覆帔倉箱均富有裘馬競華鮮負弩環熊軾纏
頭捧罽羈獻羔牽戢戢伐鼓聽淵淵吹笳伐鼓以迎在
回俗爲最敬之禮
眞覺星槎遠何知玉塞懸稗官徒鑿空漫說斗牛邊

喀什噶爾

當年掃穴奏膚功向化爭來譯幾重城鞏徠寧歸禹服
山連拔達盡

堯封

舊係兩和卓木之地乾隆二十四年掃穴犁庭逆酋授首自拔達克山以內咸入版圖
木棉

遍野人能織稷稻堆場馬解春

掘地爲坎布穀其中馬牛雜踰之誰識

遐荒成樂土萬年感戴

聖恩醲

風聞一紙漫傳疑入告倉皇事可嗤誰向破巢尋卵翼

肯隨遺孽弄潢池

晏起伯爾克薩木薩爾三酋遠竄多年誰與同惡乃忽傳烏合此事所必

也無楚囚并自無三戶漢將何煩遣貳師今日訛言果冰

釋九重

睿鑒早先知

重臣持節更懷柔

天語親傳德意流犬子不須勞草檄羊公久共識輕裘

九易集卷二
我行祇聽蕭蕭馬爾牧無驚濕濕牛披拂仁風五萬戶
歡聲雷動遍衢謳

此邦貨物最殷饒七日開場市語鬻骨種羊偏珍紫色

金花布欲傲文綃痕都塊製鏤水薄

痕都斯坦玉器最佳俱集於此哈

薩名駒噴血驕輦費中華看絡驛輸忱總爲

聖人朝

葉爾羌

迴鑣英吉沙城過小憇征驂葉爾羌晴後雪峯彌皎皎

臘前河水自洋洋

葉爾羌河冬月不冰方舟可渡

萬家煙火環村郭百

貨梯航入肆場此去和闐知不遠宵分隱隱見虹光

回疆南路十三城馬足猶餘兩未經

自哈密關展土魯番至哈拉沙爾庫

車賓里木拜阿克蘇喀什噶爾英吉沙爾葉爾羌所歷十一城惟烏什和闐未到耳

問俗漸能諳

譯語題詩到處有郵亭記來里數難憑鼓看過階前幾
易賞身歷九州分野外天邊誰識使臣星

謁顯忠祠

有序

葉爾羌城東數里祠曰顯忠將軍兆公平定回部
凱旋時所建以祀軍營殉節叅贊尙書那木札爾
侍衛三泰副都統三格提督豆斌總兵高天喜諸
公祠外碑亭一座敬鐫

御製雙義詩雙義者謂那叅贊二侍衛也又祠旁高塚

二哀陣亡將士遺骨叢葬於此乙巳嘉平九日制
軍使節經過修謁奠之禮余隨往肅拜賦詩以誌
景慕云

豐碑高塚互嶙峋祠宇流芳姓字尊萬丈光芒騰
御濤千秋俎豆慰忠魂犁庭上將膚功奏授命諸公大
節存此日國殤應吐氣階前羅拜盡花門

曉發杜齊特台二首

雞鳴催早發殘月冷瑤珂前僕悄相戒隔林虎跡多平
沙侵曙色遠火出叢柯一片荒寒境征車此獨過
旅况踰三月歸程尙七千霜前行月地雪後宿冰天竹

帛徒虛願風塵未了緣鞭絲和帽影草草又殘年

除夕布古爾度歲仍用三字韻

清風曾餞歲旅况憶畿南

癸卯臘月自京回甘
除夕宿定州清風店

玉塞仍

今夕郵亭復駐驂
紉盆風自古桃板俗偏諳
爆竹聲猶聞蒲萄酌獨酣
親明天外隔勲業鏡中慙
赴壑蛇難挽藏蕉鹿漫探
年光徒冉冉華髮早毵毵
乙夜樽前語還稱五十三

再入關仍用前韻

尊前從此唱刀環
萬里征夫又入關
去日丹楓初欲染
來時綠柳漸堪攀
侯人競識鋒車進
隔歲歡迎使節還

纔解征鞍呼襖被早飛清夢到蘭山

沙岡行盡見譙樓薄笨徐驅到上頭塞外風塵添老瘦

客中節物換春秋

出關以九月入關以二月

重過舊館賡前韻半歷

新疆說壯遊終憶家山歸夢好何年穩泊潯關舟

二月十七日旋省卽事書懷四首

鹿鹿輪蹄負好春韶光九十半猶存金城依舊青山色

玉塞無端雪爪痕篋裏新詩兒檢錄牀頭宿醞婦初溫

遠歸倍覺家庭樂一笑燈前且弄孫

絕域風光細細論征途辛苦憶消魂霜橋虎跡猶餘悸

雪嶺貂裘竟失溫未脫塵羈猴入袋難馴野性鶴乘軒

老妻只勸歸山好漫擬高情似鹿門

親友紛來訪異聞離悵未暇叙寒暄爲言一路恬熙景

更說三城貿易繁

回疆貨物之盛葉爾羌爲最喀什噶爾次之阿克蘇又次之

有脚

陽春隨玉節無私

天覆徧花門他年青史徵王會始覺前朝不足論

阿兄念弟嗟行役書意諄諄不盡言

接家兄札知有口外之行細詢旅况

萬里孤飛瞻雁影五年濶別悵鴿原江鄉珠桂愁餅罄

家鄉適逢儉歲

春草池塘繫夢魂何日投簪重聚首紫荆花下

對開樽

回疆雜咏

乙巳冬月隨節侯赴喀什噶爾小住兩旬經過各
回城或停驂數日或信宿而行所見所聞拉雜成
咏共得斷句三十章仿古竹枝之遺意竊謂回疆
風土十有七八矣

開都河水漾晴波波底銀鱗擲玉梭好待桃花春漲暖
乘船直下葉羌河

開都河在哈拉沙爾城外洋洋巨川與阿克蘇喀什噶爾葉爾羌諸水通

流

荒城古堞枕山椒殘碣摩挲認漢朝萬里籌邊功獨偉

花門猶解說班超

庫車附近山中有古城數處相傳漢定遠侯所築也

依稀霧鬢與風鬟人影亭亭縹緲間一種貞心傳異蹟

天涯別有望夫山

客什噶爾通烏什山陰道北石似人形相傳昔有布魯特頭目之子入山

逐獸迷踪不返其妻追至此處
凝望號泣三日化而成石云

萬樹胡桐似白楊叢榆夾道接槐塘仙蹤更詫蟠根李

涌出靈泉古道旁

洋薩爾之東大道旁卧柳一叢共十餘株狀極奇秀中有靈泉涌出味甘

如禮行人
爭掬飲之

霍占巢穴膾荒基斷礎零磚拾燼遺掃蕩凶氛歸化宇

卿雲長護

御書碑

葉爾羌城隅有高屋如樓卽小和卓木舊巢也
今存廢址頽垣矣迤西百步碑亭屹然

製平定回部
文勒石於此

千年枯木竟能神碧甃琉璃映曉雲爭趁排沙畢日好

新衣來拜聖師墳

相傳始立回教之人各嗎哈木啻敏回人以聖稱之其墓在喀什噶爾城

東五里許斃以碧瓦墓旁枯木一株千餘年矣呼爲神樹回俗稱每月第六日爲排沙木畢是日無

分男女各著新衣於五鼓上墳禮拜

圖書古洞秘靈蹤瀑布飛流萬疊峰惆悵天梯不可卽

遙看鳥道白雲封

喀什噶爾城北八十里有大雪山四面奇峰飛泉如瀑布然中有土穴土

人名以圖書克相傳嗎哈木啻敏之大弟子羅狄滿入山修煉昇仙尙存木梯可望不可登也

喧喧笳鼓開城西遠樹啼鴉隱落暉豈是古人寅餞意

虞淵整轡送將歸

回俗薄暮時向西鼓吹以送日終歲如此

求凰求鳳各紛然肅拜繙經只問天憑仗阿渾爲月老

霎時易帽結良緣

回俗鰥男寡女每於齊集嗎哈木啻敏墳禮拜之日以婚姻事叩問阿渾

阿渾緇閣經典指衆人隊內一人云此天已配定
勿悞良緣卽將男女頭上小帽互相換戴雖非甚
願無敢違者是各天定

十五盈盈待嫁時郎心愛妾妾心知却嫌邂逅非嘉耦

詭向人前說奉遺

亦有男女互相慕悅徑自成婚託言父母遺屬者是名奉遺

荆笆高坐絳羅蒙新婦登門拜姥公鼓樂喧闐親弗集

滿斟克遜慶新紅

貴族婚姻必憑媒定吉期以荆笆襯花毯坐女其上紅錦蒙頭昇至婿家

拜翁姑如禮三日內親戚麋至曰待喜驗紅有則設酒慶賀云巴克遜回讓各如內地黃酒

花紅穗底裏經符青鶴翎飄結束殊多事偏蒙他里吉

不容立馬看羅敷

回婦平居戴小帽頂有紅花數穗錦裏經符並有青鶴翎三四根出門

則以花綵帕或白布蒙頭名他里吉

衣冠異製望門偕索米求錢競入懷云是聖人教布施

莫嫌流品乞兒儕

有一種回人以花紅織作毛邊衣帽名海連搭爾三五成羣沿門求乞無

弗與者相傳嗎哈木管敏遺教布施此等人也然此人亦不貧所得或轉施困乏者

澄流曲曲短垣遮綠樹陰陰畧約斜指點此中消夏好

居然水木湛清華

廣場數畝累石爲牆其中古木陰森清流環繞頗有內地小橋曲水之趣

名曰亮噶爾回人避暑處也所在多有之

士女肩摩巴雜塲哈斯察克互稱量妾身自織金絲布

好換郎家紫色羊

每逢七日爲大巴雜猶內地之集期百貨充溢男女成羣以哈斯量長短

華言尺也以察拉克較斤重華言秤也

玉盃輕織似赫蹏照人光彩徹琉璃商從安集延中至

物自痕都斯坦攜

質易人多係安集延部落玉盤佳者白如脂薄如紙云是痕都斯坦製也

八寶裝成襲錦帽匣中秋水瑩鵜膏千金七首爭傳玩

自古嘗誇大食刀

回刀長尺許刃兩出極犀利俗呼爲攪子

粉塗椒壁搆平房屋頂牕開逗日光也有燕巢留畫棟

生憎鴿糞污

去聲

雕梁

匠人俱處平房粉垣四周上出天牕以納日影其貴家綵畫梁柱亦

有燕子營巢並於房檐養鴿

花罽裁成貼地氍天吳紫鳳色爭鮮何當畫閣鋪深處

試踏生花步步蓮

回製花毯最爲精細

七歲兒童入市嬉倒翻觔斗共矜奇緣橦自昔誇繩伎

嫻習多應自幼時

回童七八歲輒能翻身作數十觔斗戲跳擲飛騰觀者目眩

對對回姬舞態濃胡琴拍拍鼓瑟瑟更闌曲罷還留客

手酌葡萄勸玉鐘

鼓徑一尺六寸高三寸輓以羊皮胡琴十絃拍鼓拊琴回婦二人歌舞此

宴客之樂也

河流分漲入渠來麥豆胡麻萬頃栽最說新秋風景好

木棉花落稻花開

回地少雨惟藉渠水灌田所植麥豆高粱芝麻棉花稗稻與內地同

霜餘菜甲嫩還肥日日行厨飽啖宜

喀城菜極佳不亞安肅

此味

回人殊不解堆盤偏愛丕

讀如

牙斯

回人菜蔬止食蔓菁芫荽丕牙斯三

種丕牙斯如內地之薤

一盤桃李放春風月季玫瑰香韻同獨有異花開絕域

倒垂芳穗結秋紅

回中異卉一種葉似雞冠花如薔薇倒垂三四尺色紅紫春種秋開各寮

齊巴克以其形似回婦
首飾之察齊巴克也

持竿女伴赴桑林紫甚纍纍將滿襟可惜蠶繅都不會

牆頭濃綠漫成陰

回疆惟和闐知蠶繅他處桑樹雖多食甚而已

瓜梨蘋果共安榴曲踞擎筐泥客收更是冰盤堆簇簇

塔兒糖列最高頭

白糖和麪搏作杵形高尺許而銳其頂呼爲塔兒糖回俗最珍之以餉貴

客

五色珍禽似畫眉居然巧舌吐靈奇人言已自煩重譯

鳥語能通更阿誰

有鳥名哈拉和卓如內地畫眉而尾雜五采亦能學語

連朝霏雪快新晴結隊前山按獵行捕得大頭羊競獻

轅門拜賞沸歡聲

獐鹿雉兔所在多有惟大頭羊爲怪獸不易捕得也

異獸驚看餉客厨鉤牙猶漬血模糊從來諱說蒸豚味

罟獲何緣及野豬

野豬大者三百餘斤鉤牙鋒利回人捕以獻之

一雙野鷺供朝饌數尾河魚佐夕飧鄉味渾忘身出塞

歸心棖觸到江村

亦有野鴨鮮魚味遜於內地耳

居易堂詩集

吟鞭贖稿附

吳江王曾翼芍坡

癸卯之冬征車北上以明年春仲旋甘月店霜橋
酒醒夢斷懷人咏古拉雜成篇蓋十亡其七八矣
追錄得如干首聊附於吟鞭贖稿之末云

述感七章

有序

承家烏府庭廕猶槐入市羊車人誇是璧一篇
親試早聯羅令之交九歲知名謬竊黃童之譽
若乃垂髫舞勺未是蘭成射策之年對菊揮箋
便邀范質傳衣之許荷當時之刮目成畢世之

銘心矧夫追東晉之清談常陪樂廣過西州而
慟哭剩有羊曇馬帳淒涼一脈空餘帶草程門
聞寂三年憶坐春風斯則華屋山邱陳思王於
焉寄慨芝焚蕙歎陸平原所以傷心者也嗚呼
逝水難回流光易駛撫今追昔嗟我懷人效光
祿五君之作更有兩賢仿杜陵八哀之詩僅虛
一咏不慚蕪拙聊誌感私

故邑侯衡陽丁公

元正

單父堂上琴河陽縣裏花誰言作吏俗風雅昔賢誇繫
我衡陽公文采擅芳葩沅湘富蘭芷紉佩好修姱挾策

對

彤廷早登拔萃科棲鸞移我邑竹馬迎誼譚

公以拔貢試令如臯

量移吳江

儒雅飾吏治惠澤流桑麻火烈寧水懦公庭少鞭

撻縞紵悉英髦干謁嚴苞苴拙宦不諧時彈章解青綬
清風攜兩袖剩載書幾車空囊阻歸楫鶴市且攜家一

經課兒讀斗米入肆賒歌仍出金石貧不挂齒牙十年

作僑寓旅櫬竟天涯

公莅任甫經一載旋里吏議貧不能歸僑寓吳門賣文作活布衣蔬

食晏如也

小子在髫齡操觚學塗鴉惟公大鑒賞謂是蘭初

芽耘松亭八試評點手親加登堂拜孟母扶掖出官衙
屢啖牛心炙兼頒雀舌茶贈我以端石遺我以文紗勗

我以根柢期我以清華公知我最早我感公獨多

翼年十一

就縣試公大賞其文招覆八次試作必親加評閱手扶入內堂拜太夫人屢叨珍賜自從罷官後

蓬華頻來過入門呼作黍蔬笋雜魚蝦詣郡必謁公欵

留語無他高文頌碑版

公古文最高

險韻和光義秋風叨鶚

薦北上鳴驂駟叩別金闔亭流連到日斜誰知成永訣

空復吟楚些回首四十年有淚灑侯芭

翼以癸酉冬公車北上拜辭公

於吳門旅館迨甲戌秋旋里而公已赴玉樓矣哲嗣領鄉解英聲噪長沙春明

曾兩見話舊各滂沱邇來嗟契濶夢寐傷如何欲問孝

廉船萬里雲山遮

故邑侯河內鄒公

玉章

廉吏說鄒公中州仰省宿起家名進士百里作民牧華
亭著能聲擊斷憎豪族強項慕董宣不直南陽獄終以
忤權勢還山問杞菊

天子念循良再起由

特擢

公初令華亭以不能媚權貴罷官尋蒙特簡復令吳江

感激

聖主恩介節彌自勗襍被來松陵蹇驢攜兩僕剗繁本
裕如曾不困案牘朝看訟牒投暮喚公庭鞠片言折讞
張洞若燃犀燭噴噴稱神君鞭笞靡怨讎奸胥共里蠹
屏息咸鼠伏吏苦婦無禪民誦五袴續邨無吠犬驚巷
有鳴琴曲官聲是真清只飲水一掬俄焉罷官去奪我

賢侯速吏胥置酒歌父老攀轅哭前後數十年善政推
公獨豈惟政事才尤重在文學季試並觀風樂得英才
育官厨僅鮭菜餉士必梁肉講席延名師分俸助館穀

公復起松陵書院

拈題偶自課脫手彈丸熟持以示諸生翕然

誦珠玉憶應童子科拔我名第六清才兩字評加意施
青目追我鹿城回公已行裝束謁公蕭寺中留我飯脫
粟娓娓復論文不覺驪歌促涼秋九月天征鴻飛肅肅
風飄舊袷衣猶是來時服一別廿餘載曠若山河邈嗟
我鬢吹絲知公墓拱木昨我過懷州翹瞻太行麓無從
訪裔嗣何處薦肴簌攬涕遂回車臨風景芳躅他年誌

名宦一字無媿惡

故副憲永濟崔公

紀

聖代盛文教菁莪雅化醴儒臣持玉尺多士沐春風愛
才若夫子端不媿宗工博陵緬華胄早歲擅雕龍著作
承明庭木天素望崇屏藩陟開府持節臨漢江到今峴
首碑墮淚繼羊公

皇心念耆德內召掌辟雍南陳與北李物論翕然同視
學來江左人材稱大邦首先整士習圭璧就磨礪論文
尚理法兼取才蒞雄雅正非枯淡清真豈平庸以此慎
持擇所過歎羣空謏劣如小子還收已爨桐出關復招

入絳帳侍從容面試再命題揮箋對明牕連篇吟桂菊
好句慙江楓激賞大稱善刻畫誇玲瓏勉旃根柢學經
史在勤攻俄頃跼辭出攜手至堂東曰余未衣冠遠送
嫌不恭丙寅科試翼初以額濫見遺尋補入府庠覆試
日已呈卷出矣旋復招入至則公方脫帽便服
坐東廂對案預設筆硯語翼曰聞汝幼有詩名爲我賦
桂林一枝又云知吾意乎欲以郗詵相况也詩呈稱善
復命賦人喜菊花香稱善久之因云汝文章詞賦他日
當擅場但須以經史爲根柢耳須臾翼辭出公執手送
至堂中云我未衣冠不遠送也公尊久八座我幼未成童雲泥忘判隔

優禮何謙冲五年公再至刮目待吳蒙文場拔試畢復

賦榴花紅

翼先以戊辰尹少宰歲試拔補廩膳泊庚午
科試公復來蘇拔置第二覆試呈卷復命賦

五月榴花
照眼明詩

殷殷期許意遲我到瀛蓬時公已抱病力疾

尙乘驄精嚴彌自矢盡瘁眞匪躬二豎忽沉綿巫招下
九穹文星嗟掩曜飛旒歸匆匆我適在鎖闥聞耗徒驚
忡慟哭秣陵舟哀輓寄郵筒自媿驚駘姿虛邀顧盼重
科名徒竊祿建樹無寸功一朝遽蹉跌分委泥沙中幸
荷

聖主憐頑金許再鎔恐復玷師門冰淵慎厥終磨瑕完
白璧厲節指青松庶酬甄識感啣結意何窮

故太史徵園阮公

學濬

淮南多鉅公物望歸二阮接武掇巍科聯鑣入詞館裴
園名學浩庚戌檢討早遺榮養疴遂肥遯勺湖講席開陶淑多

俊選嗟我澂園師名高運偏寒天賦伉直姿邁峭非所

善酒酣耳熱時發議輒侃侃終爲口舌累不自閉關鍵

瀛海起波瀾棲鳳離瓊巘才人遭貶謫下邑迎高幃

公以

口舌累罷官擬徒以已巳秋來與注

雖挂司空籍禪房容息偃閉戶注蟲

魚堆案書千卷丹黃手不停矻矻事編纂詩文宗六朝

得自性所近庾徐兼鮑謝融化入斑管制義尤專門窮

經有根本淵源出三方深詣牆東閭以茲啟後學問字

雲亭滿小子慶瞻韓祇覺從游晚

定中業師歿後苦未得師適先生在松陵

翼旋以辛未春執贊

樗材入匠門拳曲就繩準自言三折肱鑒別

留老眼汝文有師承幸不落庸軟骨力固足豪靜細惜

猶短格峻氣勿囂才雄步彌穩駕針度與君妙手金丹
轉祇今言在耳感激情何限泊我宦京華公仍居茂苑
春風隔絳紗極目雲山遠惟憑尺一通遙祝加餐飯奉
諱憶卯冬匍匐江鄉返唁我苦廬中執手深繾綣公時
逾六袞杖屨劇蕭散對酒或當歌豪情殊不淺風前開
竹徑雨後滋蘭畹都忘范丹貧一任稽康懶此樂卽蓬
壺奚羨金章綰噩夢告龍蛇瑤檄俄輟軫平生白羽扇
一旦風流盡小別又七年聞訃增悲惋事業在名山千
秋終不泯請看有道碑金粟生螭篆

故廣文何石搯外舅

玠

昔我締絲蘿百里鴛湖濱廬江傳舊閨名重孝廉船爲
愛女相攸選擇期得人紛紛委禽者一笑若罔聞多否
竟少可蹉跎迄數年物色及鯁生芹香試藝新扁舟訪
笠澤接坐細論文欣然許坦腹曾弗計清貧親朋或竊
哂同室有違言公曰無傷也唯余賞識真昔賢感一顧
銜結遂終身况乃愛才甚重之以昏姻感公知獨厚悲
公遇獨屯束髮事名師淵源弢甫門公爲桑叟甫先生高弟騷壇
執牛耳黌試輒冠軍三十薦賢書鵬程竚化鯁公車竟
十上寂寞杏園春需次鳳池頭未裁五色綸河陽擬種
花老惜折腰難儒官旋改授苜蓿影闌干公以例授中書舍人廿年

需次改就本班謁選河南泌陽
令旋改司鐸安吉量移海寧 鱣堂爭受業誨爾必諄

諄教法宗胡瑗經師仰服虔門前滿桃李階下茁蘭蓀

藉茲娛暮景原不戀寒氈懸車甫及歲引疾遂挂冠三

徑故無恙栽桑兼灌園何意玉棺降空期大耋臻適我

治戎日知公賦鵬辰每於草檄暇灑淚吟招魂

公歿以辛丑正

月計至河西逆翼在平番籌辦軍事 自恨白圭玷深辜青睞恩天西尙留

滯歸計徒茫然斗酒與隻雞何年拜新阡序集媿李漢

誅墓慙安仁長銜知己感豈獨甥舅親

故文學潘珠溪舅氏

廷璣

文福多不齊彼蒼若有忌高才淪落者今古一長喟豈

獨孟襄陽悔吟明主棄迴首驚脰湖聿懷我舅氏淵源
溯遂初館閣留鉅製受業果堂翁經術有根柢家學並
師傳英聲蜚弱歲干將新發硎觸手驚犀銳蘇臺一篇
賦咳唾珠璣貴才子稼堂孫虞山深賞契王艮齋侍御見公蘇臺懷
古賦大稱賞贈詩云松陵才子稼堂孫文采風流奕葉存秋風困棘闥屢見霜蹄躓
落拓過中年詩酒聊肆志

翠華幸三吳獻賦與

召試漢廷薦相如非無楊得意珊瑚未入網幾掬鮫人

淚

辛未

南巡獻賦莊滋圃先生深賞識公薦與試幾入彀矣終以額溢見遺

一棹返柴荆

閉門千日醉韓窮鬼不送柳巧天空乞

去聲

治生貧任拙

詩律晚逾細飄然遊楚南暫作依劉計三湘七澤間騷

客傷心地桃源不可尋五溪餘毒癘潘髻早斑絲客中

益憔悴嗚呼旅櫬歸僅免耒陽瘞襍被剝空囊遺詩盈

徹笥

公卒於辰州觀察署

憶我在髫齡負劍常趨侍期我鳳凰吟

奇我瑯琊對花晨還月夕最喜扁舟至入門輒呼酒三

雅助豪氣索紙寫新篇脫腕龍蛇字

公書仿十七帖

示我作詩

法盡洩金針秘宗派辨三唐探源追漢魏不善學西江

險怪滋流弊母寧學西崑尙不失工麗刻鵠勝畫虎此

言堪比例小子謹服膺師承罔敢墜康伯似深源撫躬

徒抱媿朗咏明妃詞知公默自謂驚才和絕艷薄命同

歐欬

公有明妃咏云青冢有靈迴草色紅顏無命博閼氏鄉邦傳誦

故明經王定中夫子

杯存

吾里多宿儒溯自康熙朝二陳最先輩昆仲誇齊鑣皆

醇一編出戶誦家手鈔

陳穎長先生銳霜赤先生鐔俱以時文名家所選皆醇集藝林

傳

二范乃繼起六籍鼓笙匏咄咄驚小范文名噪慎交

大范先生寧求小范先生佑商繼二陳而起時吳門立慎交社佑商先生課輒第一彭南昀殿撰評其卷云安

得不震

傳經絳帳開樂育徧英髦夫子實高弟早歲擅

江毫文章脫時蹊孤詣每獨標削膚僅存液吸髓非鋪

糟刊落桃李艷蒼松迥凌霄古琴鳴雅奏不入箏琶

落花淡無言對之人意消屢荷宗工賞知音未寂寥盛

名三十載巨手推釣鼇終以不諧時陽春曲太高舉肥
從古歎寒瘦嫌島郊明經艱拾芥白首尙青袍金沙有
宗匠斷斷選政捺擊節先生文龍門神韻超吉光惜片
羽未睹全鳳毛更憶髮千翁踔厲跨文豪評隲諸名家
往往涉訾謫獨於我夫子心折氣不驕淵翔白民間奚
翅壓吾曹虛衷固前輩公論亦難淆已山太史海內宗工也所見集各選
內多採吾師文謂其神似龍門以未見全稿爲恨又吾
里顧髮千先生揀選政甚嚴雖前輩盛名輒少許可獨
論及吾師文歛手推服以爲淵翔小子初學文時趨逐
白民伯仲間迥非吾輩所及也喧呶冗長侈邊幅篆刻矜鏤雕儷青而妃白自謂工推
敲先生曰誤矣斷港急迴橈文貴以意勝蕪詞芟莠蒿

文更以骨勝甜媚殊堪嘲何以藥平庸嘉魚是神膏何

以藥膚浮章羅關心茅廉悍學柳州追踪到賈晁胚胎

自經籍割剝戒莊騷

先生常言今人好撫拾莊騷語填入制義最爲陋習

對病下

針砭三年督課勞嗟哉哲人萎弗久荷甄陶科名雖忝

竊衣鉢歎終遙翹首墓門松悲風響蕭蕭當年立雪地

講席胥蟪蛄永念訓迪恩寸衷銘佩牢遺文未哀刻五

夜徒怆怆

五君詠約而能該八哀詩則暢所欲言矣七章感恩

知己故下筆滔滔不能自已然再四沉吟欲芟一剩

語而不可得蓋由情真故理周遂略無贅旒耳格老

而氣適用韻復古必傳何疑

洮陽吳鎮識

讀魏晉史雜咏

三讓曾看築禪臺驅車南闕事堪哀兩朝衣鉢欺孤寡

不值英雄一笑來

石勒云不似曹孟德司馬仲達欺人孤兒寡婦

清德羣推四世公存亡應與國家同如何易代仍三老

地下殊難對孔融

魏文篡漢後臨雍養老以前太尉楊彪爲三老楊公四世清德孔北海

語

猜嫌骨肉失維城一表千言灑血誠今古徒誇才八斗

誰知子建是更生

陳思王求通親親表忠愛鬱勃與劉向言王氏封事同一宗臣憂國之心

厥後權歸司馬魏祚果移豈非先見

稜稜霜氣絕交書日影琴聲恨不辜龍性難馴終賈禍
何如沉醉步兵厨

蓼莪哀咏泣枯魚苦節真同范粲車千古傷心侍中血

當年悔不杜門居

嵇康王儀均爲司馬文王所害王裒隱於孝樹紹死於忠各成其是而已

范粲魏亡後坐卧一車足不履地者十七年

談元向秀致偏佳荷鍾劉伶死便埋誰識阮公悲慟意

更將高咏寄孤懷

嗣宗於魏晉之交有悲憤難言之隱特以酒自全耳

萬錢日食恣豪奢十里香塵步障誇漫說雉裘焚殿上

珊瑚幾樹出侯家

儉歲何當食肉糜蛙鳴卽得有官私祇緣狼顧機謀盡

剩付痴騃後代兒

白首同歸恨有餘繁華金谷頓荒蕪墜樓一片心難買
消得齊奴十斛珠

貽悞蒼生鑒獨真清談禍國更亡身君看夜半排牆者
卽是東門倚嘯人

石勒執王衍排牆殺之勒幼時倚嘯洛陽東門外衍見之曰此雛有異

玉鏡臺前佳話留太真風調固無儔獨看灑泣登舟日

忠義居然第一流

溫嶠自命第一流人物後蘇峻之亂灑泣登舟遂以破賊

潯陽開府擁強兵赴難遷延損重名青史至今書以字

千秋功過兩分明

綱目書溫嶠以陶侃兵至

冶城蕭瑟草橫秋古墓人爭說卞侯至竟死忠惟俗士

阮孚流輩可知羞

阮孚語下
壺卿太俗

宣城內史狗孤忠尙有佳兒立戰功若論乃心在王室

純臣端合讓桓冲

桓彝死蘇峻之難
桓溫卽其子也

重到金城柳十圍樹猶如此不勝悲如何問鼎心還熱

處仲墳頭叫可兒

桓溫過王敦墳
云可兒可兒

雄談捫蝨誇王佐終使符秦作霸朝豈是桓公無鑒賞

幕中秘計有郗超

桓溫非不識王猛者特以久蓄異謀
忌猛之才恐不似郗超等肯爲己用

耳

誰識名賢救世心蘭亭傳誦到而今彭殤一視標虛誕

特向時流寄慨深

右軍當清談盛行之世獨以崇尙莊
老爲非故蘭亭序中特標一死生爲

虛誕齊彭殤爲妄作二
語其救世之意深矣

清談積習踈名檢巾幘風流也不羈天壤王郎已輕薄
叅軍新婦語尤奇

居易堂詩集

丑辰紀事詩

吳江王曾翼芍坡

辛丑蘭州紀事詩

西陲鎖鑰控巖疆民物恬熙化日長
萬里梯航通徼塞百年耕牧靖民羌
無端沴氣鍾羣醜敢向潢池試陸梁
畢竟么麼成底事當車空自笑螳螂

新疆者定以來蘭州省會之地車書輻湊人物殷闐邇年更極繁華不圖遽有逆回之警也

工分十二號番回新舊紛爭結禍胎
數載養癰終潰決一朝奮臂恣喧嘩
副戎碎首原無備太守銜鬚劇可哀
倉卒鴉關傳警報徵兵四出羽書催

散拉番地也回族居之分十二工環列老鴉關外鎮
以土司隸循化同知管轄乾隆二十六年有安定縣
官川回民馬明心者從口外歸詭言別授其經倡立
新教徒黨蔓延所在多有撒拉逆回蘇四十三等亦
奉爲師舊教回民斥爲邪說角立不下甚而互相關
殺屢訟於官弗能戢也四十六年三月初復有舊教
赴省訴告新教阿渾蘇四十三等爭教械鬪謀爲不
軌制府下臬司委蘭州知府楊士璣赴河州查勘並
檄河州副將新桂偕往彈壓十八日新協至百子莊
蘇四十三等聚衆數百各藏兵器僞爲跪迎者新協
呵其爭教滋事逆酋遠起呼噪動兵新協衆寡不敵
倉猝被戕賊衆復擁入奇臺堡圍楊守於行館同日
遇害十九日午刻省城聞信制府飛章入告卽日
親率標兵往剿並檄固原涼莊甘肅西寧各路滿漢
官兵赴河州會剿焉

元戎昨夜度摩雲
炮罕城頭已被焚
洮水有舟供暗渡
尖山無壘駐偏軍
飄風迅勢驚何驟
厝火危言悔弗聞

薄暮人聲俄鼎沸皐蘭月黑裏妖氛

制府由狄道趨河州十九日晚宿摩雲關二十日過
沙泥站卽聞賊人攻搶河州之信爰疾馳入狄道城
當是時賊人旣陷河州偵知制府已駐狄道省城無
備乃謀從唐家川洪濟橋滾豆坡小路徑襲蘭州先
是河州失事省垣聞警有建議河蘭間道必走尖山
此處憑高據險宜速遣兵防守俾賊無由潛越者大
吏善其策而未及用也迨賊衆於二十二日潛抵洮
河渡口卽有唐家川洪濟橋從逆新教機筏隨渡遂
踰滾豆坡過尖山二十四日焚阿干
鎮二十五曉時已蟻聚蘭州城外矣

河橋鎖斷駛奔艘龍尾山傍起賊壕百尺危樓接烽火
萬家登屋聽呼號乘陴下石梯衝碎負土填門鏑鍵牢
辛苦嬰城老方伯韞中蟻蝨枕邊刀

賊奄至蘭州卽燒斷河橋以遏河西赴剿之兵爰盡
銳環攻外郭大肆焚掠火及譙樓時制軍同臬司俱

在狄道督標將卒大半隨往存城兵少賊焰方張奸
細四伏人情洶洶藩司王廷贊蘭州道國藩布候補
道永慶督率臬蘭令蔣重熹及外州縣之因公在省
者分駐四門糾集民夫晝夜防守二十七賊破西
南關進薄內城梯衝說起烽火連宵城中竭力堵禦
乘隙軍民爭下石擊賊緣城者輒碎其首並壞其雲
梯又四門實土甚堅急難燒破其城中潛伏細作多
被官兵搜戮內應遂絕賊氣稍沮二十八日涼莊兵
至登城協守人心漸定二十九日固原兵
至擊敗賊衆遂復西關省城始保無虞矣

玉帳牙旗駐近郊重英駟介自逍遙隔河飛礮同兒戲
閉壘觀圖任客嘲慷慨誰持上方劍羞慙枉挿總戎貂
最憐陷陣捐軀者盼斷援兵恨莫消

提督仁和率師赴援適河橋已斷遂壁金城關惟隔
河轟砲每日繪陣圖而已是時莊浪指揮使曾璠奉
調率土兵二百赴省適會涼州都司王宗龍同日抵
蘭二將先與賊遇率衆陷陣仁提督先許策應竟未

發兵以致土兵傷亡畧盡
璠亦受重傷王宗龍戰歿

賊鋒小挫豈紓憂壁上諸軍盡逗遛

禁旅初聞過赤縣捷書遽報復河州交綏輒諱輿尸辱
聚議真同築室謀坐使依山成負固居然高壘更深溝
賊之初至鼓銳攻城未遑他計迨攻圍不下氣亦漸
衰又空巢而出其老弱婦女俱爲西寧總兵循化同
知搗穴殲擒退無所據時制軍回自狄道駐兵白塔
山並有舊教回衆千餘隨軍自效西安伍將軍馬提
督奉詔率滿漢官兵先後踵至仁提督隨亦率
衆渡河與涼莊固原之兵會軍聲頗振若乘此迅勢
合謀四路圍剿賊可一鼓殲也乃兩提督互相觀望
各鎮亦不協謀制府方以河州恢復賊勢窮蹙指日
可平請止京兵聚議遷延軍心日懈小與賊遇
輒有損傷賊得依山阻險漸成持久之勢矣

徵兵二萬集轅門茶火遙看殺氣屯豈謂衝鋒憑舊教

更煩馳檄調降番軍心轉爲承平情月餉會忘

豢養恩痛惜原州圖總鎮重圍孤掌未歸元

西安寧夏涼莊駐防固原延綏興漢甘肅涼寧各提鎮並阿拉善蒙古兵俱集省垣惟續調四川屯練降番因道遠未卽至耳計官兵不啻二十倍於賊而兵多轉怯奮勇者寥寥帶兵將弁鮮不擇便自全專仗老教回民衝鋒陷銳紀律之師訓練之卒果如是乎專閫者當任其咎矣。固原鎮總兵官圖欽保突陣無援空回匹騎家丁尋覓僅認血襟又遊擊王三杰同日陣亡此四月十九日事也

允吾古縣屹邊衝河右屏藩作鎮雄南去蘭垣通省會
西來鳥道接湟中驚心風鶴留孱卒犄角金湯遏近攻
怕首韓刀等閑事書生誰料學從戎

平番漢允吾縣也并蔽涼州毗連省會接壤西寧又有問道通循化賊巢實爲要地三月二十一日翼在

京州聞逆回蠢動之信卽兼程馳赴平番至則省城業已被圍警報踵接時莊浪營兵先經調省協剿城中留卒不滿百人爰飛調連城土司弁兵赴縣又請於制府截留續調京兵之過平者合之得三百餘加僱民夫督同地方官巡防守備並分撥弁兵把守紅城西大通各隘日已而官兵雲集省圍解嚴平番亦得安堵云

赫怒

王誅詎肯寬重臣銜

命肅登壇相公威望平滇蜀開府勲名踵范韓健將紛從天上降游魂能向釜中安金鉏一動重圍促臍噬空悲免脫難

相國阿公大農和公奉

命前節相李公侍堯總制陝甘又海侯門

命先後來蘭

宿

居易堂詩集

世

將偕至軍中仍簡巴圖魯三十餘員馳赴軍前
聽調壁壘一新軍心爭奮各提鎮奔走効命無敢玩
延老教降番倍加踴躍賊人奪氣然猶憑險抗拒蜂
蠶屢螫迨閏五月十五日相國乘賊不備出奇奪險
毀其堅壘賊乃踉蹌退匿遂設長圍列柵
塹華林而逼之釜魚阱獸苟延殘喘而已

華林守險竟如何坑塹填平迅躍過一霎焚巢飛烈燄
千軍搗穴競揮戈殲渠已似鯨懸羃獲醜紛如雉入羅
八百明駝馳露布洗兵端合挽天河

賊平以七夕前一日官軍偪賊日有擒誅祇以溝壑
深峻未能迅越相國計以窮寇亡命必爲困獸之鬪
不若俟其糧盡水竭自當內亂乃聚而殲旃六月十
五日賊果窮蹙突圍欲遁我軍奮勇進剿殺賊甚夥
逆酋蘇四十三及海朝宗周阿渾等同日授首惟存
韓一的巴拉及阿渾數人收合餘燼悉力死守官軍
連日進攻填坑平塹僅留華林寺片掌之地迨七月
六日縱火燒寺諸軍湧入斬首四百餘級韓逆諸阿

渾均就誅戮其被傷生擒又數十人無一竄脫者爰以撒拉逆回剿除淨盡由八百里飛章奏捷

官川餘孽剷根株洪濟橋邊縛竄逋始悟經堂成毒阱誰教編筏助兇徒妻孥駢首膏原野孩穉投荒走瘴區爾日差償蹂躪慘都人環囑一歡呼

先是賊人蠢動之初王廷贊密檄安定令將馬明心擒解隨於圍城中正法而官川伏羌等處徒黨甚夥軍興未遑搜剿也又河州新教較多唐家川洪濟橋一帶回民彼時編筏渡賊有從至蘭州者有留本處者亦有中道潛歸者均已擒鋤省垣間有漏網自應草薶禽獮無俾遺種賊平前數日兩相國先飭臬司往官川伏羌搜捕馬明心家屬徒黨拆毀經堂禮拜寺賊平後復令藩司平慶道同赴河州唐家川洪濟橋等處搜捕新教遺孽俱陸續獲送省城加以從前收禁待誅之蘇逆妻孥及緣坐各犯屬共不下千人兩相國具奏應正法者卽與駢誅應發遣者有旨婦女給卮曾特爲奴幼孩發雲南廣西極邊烟

漳蘭城百姓
環視稱快焉

天心惻若軫窮簷優恤

溫綸降再三發粟徧招人戶復蠲租重沐

主恩覃盡除稂莠嘉禾殖纔過雷霆瑞露甘爲語長官
勤撫馭莫教枹鼓廢耕蠶

軍興之初有旨破賊鄉村先行發帑撫卹其避
匿人戶加意招徠迨事平後覆勘焚毀室廬搶失牲
畜官給償之嗣接恩旨皋蘭通邑特蠲租賦仰
惟聖主念切痼瘼無使一夫失所黎民樂業都
忘兵燹之驚矣

帝格苗頑尙有三旬逆命周征玃狁曾聞六月興

戎旣自外於生成終莫逃於鈇鉞矧在金甌無缺

玉燭方調豈其叢爾么麼得以公然盜弄者哉原
夫犬羊雜種秉獷性以難馴因而蠻觸交爭穴蟻
封而健鬪吏非明斷養惡而漸不知恩兵乏趕桓
耀威而適以示弱嗤焦頭之上客曲突無謀動扼
腕於旁觀前車屢覆然而狂鋒驟熾懸知就死堪
哀毒焰空張早卜駢誅立見赫斯

天討紆

睿算於

九重吉是師貞奏膚功於上相譬若天清日麗偶來彗
孛之侵俄焉霧滅烟消果見蟲沙之化爰從煽動

以至蕩平略陳事之始終不計詞之工拙敢謂韓
詩柳雅竊步後塵庶幾目見耳聞都成實錄云爾
辛丑八月芍坡識

洮河南下接金城赤子潢池竟弄兵談虎今宵猶色變
燃犀前事極心驚熟窺全局分功過細讀新詩識姓名
豈但籌邊添白髮摩崖從古仗書生

時平當局事恬嬉變起蒼黃蔓易滋搏兔固須全力赴
亡羊深惜補牢遲杜公諸將真詩史裴相平淮有頌碑
山鬼國殤都入詠邪禁展卷淚交頤

虞山後學景葵題

居易堂詩集

甲辰紀事十六首

吳江王曾翼芍坡

豈意三年後重興六月師匆匆烽燧起處處羽書馳風
鶴俄千里蟲沙得幾時金甌正全盛嗟爾弄潢池

不盡官川孽妖氛起化山

化山俗名小山

聖朝均怙冒小醜獨凶頑伏莽怙熙日興戎倉卒間渠
邱城已惡健卒少當關

田五者馬明心之徒也居鹽茶廳所屬之化山倡復
新教潛蓄異謀有附近回民李太恭及伊子李可魁
卽李鬍子又李化玉李化龍馬鬍子馬海龍等爲其
聚黨私造軍器械房料約各處匪徒訂於今歲八九
月間舉事鄉約李化雄李自本知其謀遂於四月十
二日起營首告逆回聞信遽於十三日起事偵知鹽

茶有備而西安州營官兵均赴鹽茶防守遂乘虛攻佔焉

元戎初出郭警報達深更已破西安堡旋攻靖遠城守陣多壯士內應絕姦萌百雉欣無恙蘭垣免震驚

四月十五日制府聞變即奏率臬司馳赴鹽茶之信時提軍剛塔在秦州聞警馳回調兵會剿賊聞官兵至遂棄西安州逸往鹽茶所屬鄉村搶劫入靖遠境大肆焚掠十九日抵靖遠縣有靖遠所屬藥子灘逆回馬六糾匪渡河聚合遂圖攻犯縣城勢甚猖獗時提軍所調之兵尚未集也先是制府以賊搶西安州必犯靖遠靖為蘭省門戶不可不預防爰調督標遊擊富成帶兵六百速往協守適於二十日抵靖南人城而賊已蟻聚城下矣富成督兵守禦鎗斃多賊生擒夥賊田重交訊出城中內應甚衆縣令黃家駒候補通判吳廷芳吏目朱爾漢督率兵役密速查拿一夜之中盡行獲禁賊人攻城不克又無內應始奪氣解圍而遁省城亦解嚴

乍報狼山捷桓桓似虎虓殲渠快傳首逐寇失焚巢鹿
走依巖險鷗張復叫呶軍門方避雨壁壘駐荒郊

賊棄靖遠回犯鹽茶二十三日與官軍遇於狼山剛
提軍帶兵截勦戰小失利適遊擊高人傑之兵追至
與提軍之兵前後夾攻賊人大勦殲戮甚多二十四
日賊走馬飲水人傑復追敗之逆首田五中鎗傷重
自戕賊黨馬鬍子李鬍子等數十人由余家溝小路
奔竄提軍以賊首既殲餘黨無能爲也驍師劉家井
以俟制府之至迨制府於二十六日馳抵劉家井與
提軍會勘田五首級隨議分路追勦制府往靖遠搜
捕蘆子灘餘匪之竄距鷹窩石者提軍從余家溝一
帶走官川截擊走馬飲水竄遁之賊二十八日制府
已抵靖遠而提軍因雨逗遛尚壁劉家井初二日始
抵興靖堡而賊黨先入官川糾合同逆拒守馬家堡
向之數十人今復
烏合千餘人矣

賊竄馬家堡官軍始合圍仰攻情已怯宵遁事全非衣

木人形假空營夜柝稀翻山渾未覺誰使誤兵機

甘涼寧夏固原之兵會於馬家堡提軍俞金鼐總戎蘇靈吉蘭泰副都統圖桑阿護軍統領五岱威來督戰初二初三連與賊接戰因雨交綏時賊所佔馬家堡依山險峻官軍怯於仰攻將爲駐師持久之計乃於初五夜間賊乘雨後翻山而遁初六黎明官軍始覺遣將入堡惟有空營衣木爲人虛張燈火而已初七日追至馬泉灣賊已先遁二日

兔脫追何及跟蹤計已乖火焚西鞏驛血濺馬營街逆黨團蜂蟻孤城昇虎豺劇憐李威遠忠孝一門偕

賊翻山南竄初六日過西鞏驛焚燒積草搶掠驛馬初七日至通渭縣屬之馬營街大肆焚掠殘毀過半迫脇民人徒黨愈衆官兵從後追躡與賊相持於鹿鹿山時西安滿漢官兵踵至駐劄黑風堆距鹿山三十里爲犄角之勢均未敢勇進勦也賊於初九日乘間逸出攻犯通渭城守禦卑弱人心不固剛提

軍連接通渭告急之文始分兵遣將往援迨十一日寅刻兵至而先一日戊戌刻城已陷矣縣令王懷潛匿幸免典史溫模自縊致住在籍四川威遠令李南暉年逾七十矣率其子弟家丁登城助守城破罵賊格鬪賊殺之及其子思流姪師沅焚其家有王懷正法溫模照七品官李南暉照知府議卹

朱圍山頭望烽煙遍賊營民夫當健卒効死助嬰城月

照弓刀影風傳鼓角聲竟能完累卵邑令是書生

賊由通渭竄伏羌所過殘破復有伏羌從逆同民助勢攻城焚掠關廂殺戮甚慘時援師未至縣令楊芳燦督率紳士民夫晝夜防守並訪獲城中逆黨十餘人卽時擒獲正法賊攻愈急城守仍堅適制府由安定疾馳赴救暨提軍等所帶之兵均於二十二日抵伏羌重圍始解楊令素文弱有詩名竟能力保危城莫謂書生無用也

移節承

嚴旨臨戎仗鉞揮千軍爭用命再戰決重圍殲戮差強
意凶狂稍挫威五旬勞汗馬辛苦羈生機

制府駐靖遠督捕餘匪畢移師安定適奉
催赴軍營遂以五月二十日疾馳赴伏羌二十二日
辰刻抵城下是日剛提軍等率兵先於卯刻至伏羌
制府至不及安營卽督兵會勦制府身先士卒各提
鎮督戰始力將弁兵丁無敢怯退賊人連敗解圍而
竄二十六日官軍又追敗之雲霧山計三戰殺賊數
百餘人其擒獲賊人家口在軍營正法者又數百餘
人賊氣稍奪先是官軍追賊率多觀望遷延遇賊接
戰又多懦弱以致逆焰愈張脇從日衆若非制府親
來督戰將弁兵丁仍不免畏葸逗遛伏羌之圍未必
解雲霧之戰亦未可知也

築堡何年事俄聞據石峰穴深容聚蟻山險接盤龍底
店稱同逆芽溝起竄凶一波方未靜三孽更相從

離通渭城數十里有石峰堡憑高據險舊無居人乾隆四十六年三月內有回民竊佔其上修築土牆土窟有司弗之覺也四十七年九月有漢民與回民爭此地並詰其設謀不軌控之縣令王懷未經斷逐匿穀預爲狡窟迨鹽茶不靖回楊填四陰謀聚衆携孥積舉事招致草莽溝逆匪張文慶馬四娃協謀嘯聚四出焚掠適李鬍子馬鬍子等連敗於伏羌雲霧山遂與勾通遁入堡內賊勢復張又底店武舉馬文熹號召同逆佔踞盤龍山詭稱拒守以待官軍實則與賊互相聯絡自盤龍山以至石峰堡皆賊巢也盤龍之下卽底店計附近村莊回民幾及千戶均爲馬文熹所扇誘莊浪隆德華亭靜寧秦安秦州各境內鄉村半遭蹂躪焉

突入孤軍陷將軍竟死綏出奇功自許輕敵悔偏遲警

報中宵急訛言衆志疑大兵觀壁上猶自執冰嬉

西安副都統明善率師至靜寧聞賊匪蟻聚石峰堡計自偏麻堡進兵出其不意直搗賊巢亦一奇策也

遂以孤軍疾進不俟大兵五月十二日與賊遇於高廟山賊小却以誘官軍得其二卡甫欲安營賊人湧至四面圍攻衆寡不敵後無援兵明副都統中矛陣亡又有西安撫標叅將孫受暨弁兵三百餘人同時被害

汧隴扼華亭涇原走靜寧衝衢襟帶險戰血雨風腥急盼援師至還愁驛騎停

天心寧助逆斧鉞下青冥

底店石峰之賊會合遂於五月二十六日猝至靜寧城下盡銳環攻城中守禦甚堅轟砲擊斃數賊並生擒一人賊始不能克乃退據城東十五里之翠屏山三日棄去仍聚盤龍底店間自靜寧被圍附近之隆德華亭莊浪均解嚴汧隴震驚衝途文報阻滯數日嗣寧夏延綏滿漢官兵並阿拉善蒙古兵至又聞京兵卽日進潼關人心稍定云

易帥紆

宸算專征

命重臣貔貅諸道集壁壘一朝新轉戰成功速軍書奏

捷頻乞降嗟已晚釜底剩窮鱗

朝命大司馬福公暨海侯統領巴圖魯侍衛來甘剿
賊於六月三日抵平涼率諸路援師駐隆德制府及
各提鎮之兵先於五月二十八日駐靜寧由蓮花城
土鼓山雙峴一帶追賊以六月八日與大司馬會於
神林舖有旨制府提軍俱逮問即命福公總制
陝甘公視事後暫駐隆德部署諸軍於十一日偕海
侯率師迅攻底店一戰而賊人大斃殲戮數百人賊
首馬文燾率衆乞降公以賊衆尚多羣懷觀望暫爲
延納以懈其堅抗之心仍卽於底店安插駐重兵以
制之其賊首馬文燾挾令隨營而自統大兵由盤龍
山疾趨石峰堡時諸路之賊知底店賊巢已破
馬逆乞降爰遁入石峰爲負嵎死守之計焉

唐易堂詩集

嶠負聊延喘重壕密塹迴枯山無汲道飛礮有轟雷勢已如冰解崩應厥角摧游魂彌膽落秉鉞相公來

賊遁石峰有同前歲華林之故轍官軍四面設卡壘重圍而守之賊屢出突圍輒爲官軍所殲戮並斷其水道日以大砲擊之賊益窮威二十三日相國阿公統領京兵至營軍威愈振又連日晴霽賊無處得水枯渴待斃馬騾牛驢因渴墮崖日以百計婦女多自縊者分竄無路乞降不許賊黨離心咸知命在旦夕矣

一夜人聲沸官軍擁賊濠渠魁咸就縛羽黨孰潛逃雨洗空巢冷峰連京觀高干村爭送喜冤憤雪吾曹

七月四日昏刻賊知不能死守乃乘夜爲豕突之計驅其妻子先行賊衆尾後奔撲官軍乘勢奮勇殲擒鬻聲竟夜斬首千餘級生擒數千人初五日黎明逆首張文慶馬四娃楊填四李太恭等駢首就縛其李

鬬子馬鬬子及賊目阿渾之知名者均已先被官軍
殲斃矣是日賊巢一空積骸滿溝間有乘夜竄伏者
分兵搜捕荒窟僻洞窮谷深山日有緝獲並經附近
村民陸續擒送殆無遺孽相國制府於十五日偕同
靜寧將滿漢各路官兵次第遣回其軍營存贍糧石
分撥就近州縣湊支賑卹之用是役也計制府至軍
之日及賊人殄滅之時爲期不過一月成功迅速前
此未有捷聞有旨相國加一等輕車都尉
世襲海侯亦如之制府晉一等侯
其軍營有功將弁兵丁陞賞有差

國法何能貸元戎下令嚴受降如受敵羣醜必羣殲
兎徒營窟飛蛾自赴炎

皇仁寬婦孺真頌

德威兼

先是底店安插乞降之賊男女三千有餘迨石峰洗
滅後此等逆黨無可遁誅隨於賊平數日押赴隆德

縣城將賊犯及緣坐男口之及歲者共一千二百餘人繫行正法其賊首張文慶馬四娃李太恭馬文熹及賊目楊填四等檻送京師家口駢戮至從犯家屬婦女幼孩除奏明分賞出力京兵屯練川省官兵外餘奉恩占免死發往江寧杭州閩廣給駐兵爲奴尙有三千餘口網開一面真乃聖主法外之仁也

十縣傷殘後村煙斷曉炊招徠仗循吏蠲賑荷

鴻慈室毀田疇在人歸刈穫遲煩煩

宵旰慮西顧問瘡痍

賊所過鹽茶靖遠通渭伏羌安定會寧隆德靜寧莊浪華亭秦安境內計被掠村莊一千二百餘處有旨優加撫卹並普免通省應徵額賦積欠銀糧逃亡人戶漸次來歸制府仰承德意申諭監司牧令核實給賑毋俾一夫失所民皆安業樂生仍是安恬景象矣